

Noticia publicada en Diario Noticias de Gipuzkoa, el viernes día 10 de Enero de 2020.

2020an izango dute segida Eguerdi On topaketek ELKARTERATZE HAUEK HILERO BILTZEN DITUZTE ESKUALDEKO PERTSONA EKINTZAILEAK, EUREN ARTEAN KOMUNITATEA SORTZEKO XEDEAREKIN

10.01.2020 | 06:24

IRUN - Irun eta Hondarribiako Udalek, Irun Ekintzan eta Hondarribia Abian ekimenen barruan, Eguerdi On topaketak proiektua abiarazi zuten joan den maiatzean Bidasoa Biziriken bidez, ekintzailera ekosistemari balioa emango dioten pertsona ekintzaileen komunitatea sortzeko helburuarekin, Jarduera finkatze prozesuan dauden enpresa berriei laguntzeko jarri zen abian, Bidasoa Bizirik kudea-tzen dituen enpresa-zentroetan kokatutako enpresa komunitateak sendotzea eta kohesionatzea helburu hartuta bereziki.

Horrela, enpresa zentro horietatik lan egiten duten 26 pertsona ekin-tzaile hilean behin bildu dira maia-tzetik, bai Irunen, bai Hondarribian, eta bakarka zein taldean sortu diren kezketan lan egin dute.

Topaketak eguerdian izaten dira beti, eta, bazkaltzen duten bitartean, ekintzaileek elkarri eragiten diote, prestakuntza aktiboki jaso-tzen duten bitartean. Hasieratik Ana Eguiazabal *coach*

ak zuzenduta, lehenengo hiru saioetan taldeek adimen emozionala landu zuten, "enpresa proiektu baten bideragarritasun ekonomikoaz gain, bideragarritasun emozionala ere landu behar baita", Bidasoa Biziriketik diotenez.

Duela bi aste, bi hirietan, Eguerdi On topaketen urteko azken saioa egin zen. Horren bidez, taldeek pertsona bakoitzak topaketa horietan parte hartu izanaren balantzea egin zuten, eta guztien artean erabaki zuten norantz bideratu nahi duten ekimena 2020. urteari begira.

Azken bilera horietatik ondorioztatu zen bilerek ekintzaileei balio izan dietela "ikusgarritasuna, sinergiak eta komunitatea sortzeko eta *networking*

egiteko", Iker Velascok azaldu zuenez, Ekiphos enpresaren sortzaile eta proiektu horretako parte-hartzaileak. Ondorioz, azken bileran, 2020an proiektu horrekin jarraitzea erabaki zen, eta, beraz, hilean behin bi taldeak bilduko dira. - J.G

2020an izango dute segida Eguerdia On topaketek

Escrito por Administrator

Miércoles, 15 de Enero de 2020 11:18 -
